

唐
音
統
籤

戊籤五許渾之六

唐音統籤卷

五百八十八

七言律詩二

賀少師相公致政

并序

少師相公未及懸車之年二表乞罷將相徵于近代更無比肩余受恩門館竊抒長句寄獻

六十懸車自古稀我公年少獨忘機
門臨二室留侯隱棹倚三川越相歸
不擬優游同陸賈已回清白遺胡威
龍城鳳沼棠陰在只恐歸鴻更北飛

獻韶陽相國崔公

一匱爲功極九層康莊猶自劍稜稜
舟回北渚經年泊門接東山盡日登
萬國已聞傳玉璽百官猶

望啟金滕賢臣會致唐虞世獨倚江樓笑范增

獻鄜坊丘常侍

詔選將軍護北戎身騎白馬臂彤弓柳營遠識金
貂貴榆塞遙知玉帳雄秋檻鼓聲驚朔雪曉堦旗
纛起邊風蓬萊每望平安火應奏班超定遠功

寄獻三川守劉公

余奉陪三川守劉公謫言嘗蒙詢訪行止因話
一麾之任冀成三徑之謀時蒙俯鑒丹誠等許
慰薦屬移履道臥疾
彌旬輒抒二章寄獻

三川歌頌徹威秦十二樓前侍從臣休閑玉籠留
鸞鷟早開金埒縱騏驎花深樺榻迎何客月在膺

舟醉幾人自笑東風過寒食茂陵寥落未知春
半年三度轉蓬居錦帳心關羨隼旗老去白鷺秦
塞鴈病來先憶楚江魚長聞季氏千金諾更望劉
公一紙書春雪未晴春雨貴莫教愁殺馬相如
宣城崔大夫召聯句偶疾不獲赴因獻

心慕知音命自拘畫堂聞欲試吹竽茂陵罷酒慙
中聖漳浦題詩怯大巫鬢幾年傷在藻羽毛終
日羨棲梧還愁旅棹空歸去楓葉荷花釣五湖

謝邢杜二員外并序

新安邢員外懷洛下舊居新定杜員外
思闕中故里各蒙絨示因寄一詩以酬

雪帶東風洗盡屏客星懸處聚文星未歸庾嶺暮
雲碧久別杜陵春草青熊軾並驅因雀噪隼旗齊
駐足鴻臚堂知京洛舊親友夢繞潯溪江上亭

訓和杜侍御并序

河中杜侍御祗命本州自鍾陵舟抵漢上道出
茲郡以渾車使迎接先蒙雅什見貽竊慕清才
輒誦

花時曾省杜陵游聞下書帷不舉頭因過石城先
訪鼓欲朝金闕暫依劉征帆夜轉鷁鷁嶠騎春
辭鶴雀樓正把新詩望南浦棹歌應是木蘭舟

訓河中杜侍御重寄

五色如絲下碧空
片帆還遶楚王宮
文章已變南山霧
羽翼應搏北海風
春雪預呈霜簡白
曉霞先染繡衣紅
十年沽酒留君醉
莫道歸心似轉蓬

訓杜補闕初春雨中泛舟次橫江喜裴郎中
相迎見寄

江館維舟爲庾公
暖波微漾雨濛濛
紅槽迤邐春巖下
朱旆聯翩曉樹中
柳滴圓波生細浪
梅含香艷吐輕風
郢歌莫問青山吏
一作客魚在深池鳥在籠

訓綿州于中丞使君見寄

故人書信越褒斜
新意雖多舊約賒
皆就一麾先去國
共謀三運未還家
荆巫夜隔巴西月
鄢郢春連漢上花
半月離居猶悵望
可憐堪白各天涯

謝錢汝州

并序

汝州錢中丞以渾赴郢叢見寄佳什恩憐過等
寵飾逾深雖吟詠忘疲實枯模不及輒率荒淺
依韻

獻謝

白雪多隨漢水流
謾勞旌旆晚悠悠
笙歌暗寫終年恨
臺榭潛消盡日憂
鳥散落花人自醉
馬嘶芳草客先愁
怪來雅韻清無敵
三十六峰當庾樓

謝副使鄭端公見寄

一日高名遍九州玄珠仍向道中求郢中白雪慙

新唱塗上青山憶舊遊

端公頃在當塗縣青山別墅題余嘗守邑因沐兒

知也笙磬有文終易別珠璣無價竟難酬柳營迢遞

風江濶夜夜孤吟月下樓

謝郭少府先奉使巡潞見寄兼呈裴明府之

作

載書携榼別池龍十幅輕帆處處通謝朓宅荒山
翠裏王敦城古月明中江村夜漲浮天水澤國秋
生動地風飽食鱸魚榜歸櫓待君琴酒醉陶公

余謝病東歸王秀才見寄今潘秀才南棹奉

謝

酷似罕之玉不如落星山下白雲居
春耕旋邁金門客夜學兼脩玉府書
風掃碧雲迎鷺鳥水還滄海養嘉魚
莫將年少輕時節王氏家風在石渠

寓居開元精舍酬薛秀才見貽

知己蕭條信陸沉茂陵扶疾臥西林
芟荷風起客堂靜松桂月高僧院深
清露下時傷旅鬢白雲歸處寄鄉心
勞君詩句猶相憶題在一作向空齋夜夜吟

和人賀楊僕射致政

并序

祠部楊員外以僕射楊公拜官致仕舊府
賓僚及門生合燕申賀飲後書事因呈和

蓮府

一作龍閣

公卿拜後塵手持優詔挂朱輪從軍幕

下三千客聞禮庭中七十人錦帳麗詞推北巷盡
堂清樂掩南鄰豈同王謝山陰會空叙流盃醉暮
春

和淮南王相公與賓僚同游瓜洲別業題舊
書齋

碧油紅旆想青衿積雪窓前盡日吟巢鶴去時雲
樹老臥龍歸處石潭深道傍苦李猶垂實城外甘
棠已布陰賓御莫辭崑下醉武丁高枕待爲霖

和崔大夫新廣北樓登眺

北望高樓夏亦寒
山重水濶接長安
修梁暗換丹檻小
疎牖全開彩檻寬
風卷浮雲披睥睨
露涼明月墜
作闌干庾公戀闕懷鄉處
目送歸帆下遠灘

和河南楊少尹奉陪薛司空石笋詩

暖溪寒井碧巖前
謝傳賓朋盛綺筵
雲斷石峰高並笋
日臨山勢遠開蓮
閑留幢節低春水
醉擁一作笙歌出暮煙
閑道詩成歸已夕
柳風花露月初圓

和浙西從事劉三復送僧南歸

楚客送僧歸故鄉海門帆勢極瀟湘碧雲千里暮

愁合白雪一聲春思長開

一作滿

院草花平講席

一作

石繞龕藤葉蓋禪床憐師不得隨師去已戴儒冠

事素王

和友人送僧歸桂州靈巖寺

與前篇大同而此爲勝

楚客送僧歸桂陽海門帆勢極瀟湘碧雲千里暮

愁合白雪一聲春思長柳絮擁堤添衲軟松花浮

水注瓶香南宗長老幾年別聞道半巖多影堂

李秀才近自塗口遷居新安適枉緘書見寬

悲感因以此答

遠書開罷更依依
晨坐高臺竟落暉
顏巷雪深人已去
庾樓花盛客初歸
東堂望絕遷鶯起
南國哀餘候鴈飛
今日勞君猶問訊
一官唯長故山薇

下第有懷親友

并序

余下第寓居杜陵親友間或登上第或
送燕居或張沈沈或游鄜時因抒長句

萬山晴雪九衢塵
何處風光寄夢頻
花盛庾園携酒客
草深顏巷讀書人
征帆又過湘南月
旅館還悲渭水春
無限別情多病後
杜陵寥落在漳濱

下第貽友人

身在關西家洞庭夜寒歌苦燭熒熒人心高下月
中桂客思徃來波上萍馬氏識君眉最白阮公留
我眼長青花前失意共寥落莫遣東風吹酒醒

甘露寺感事貽同志

雲蔽長安路更賒獨隨漁艇老大涯青山盡日尋
黃絹滄海經年夢絳紗雪憤有期心自壯報恩無
處髮先華東堂舊侶勤書劍同出膺門是一家

南庭夜坐貽開元禪定二道者

暮暮焚香何處宿西巖一室映疎藤光陰難駐跡
如客寒暑不驚心是僧高樹有風聞夜磬遠山無

月見秋燈身閑境靜日爲樂若問其餘非我能

郊居春日有懷府中諸公并柬王兵曹

欲學漁翁釣艇新濯纓猶惜九衢塵花前更謝依
劉客雪後空懷訪戴人僧舍覆碁消白日市樓賒
酒過青春一山桃李同時發誰似東風不厭貧

春日郊園戲贈楊叔評事

十里蒹葭入薜蘿春風誰許暫鳴珂相如渴後狂
還減受脤饑來語更多門桄碧溪水皓耀檻齊青
嶂重嵯峨野橋沽酒茅簷醉誰羨紅樓一曲歌

贈茅山高拾遺

諫獵歸來綺季歌大茅峰影滿秋波山齋留客掃
紅葉野艇送僧披綠莎長覆舊圖碁勢盡遍添新
品藥名多雲中黃鶴口千里自宿自飛無網羅

贈李伊闕

并序

前伊闕李師晦侍御辭秩歸山過余所止醉
圖二室于屋壁亦招隱之旨也因而有贈焉

桐履如飛不可尋一壺雙笈嶧陽琴舟橫野渡寒
風急門掩荒山夜雪深貧笑白駒無去意病慙黃
鵠有歸心雲間二室勞君誦水墨蒼蒼半壁陰

南海府罷歸京口經大庾嶺贈張明府

樓船旌旆極天涯一劍從軍兩鬢華回日眼明河

畔草

一作柳

去時腸斷嶺頭花陶詩盡寫行過縣張

賦初成臥到家官滿知君有歸處姑蘇臺上舊煙霞

贈桐廬房明府先輩

帝城春榜謫靈仙四海聲華二十年闕下書功無
後輩卷中文字掩前賢閑每喜江山靜道在寧
憂雨露偏自笑小儒非一鶚亦趨門屏莫相憐

贈蕭兵曹

廣陵堤上昔離居帆轉瀟湘萬里餘楚客病時無
鵝鳥越鄉一作江歸處有鱸魚潮生水郭蒹葭響雨

過山城橘柚踈聞說携琴兼載酒
邑人爭識馬相如

贈河東虞押衙二首

虞元長者永興公之後
工書屬文近從軍河中

奉使宣

歙因贈

長劍高歌換素衣
君恩未報不言歸
舊精

一作鳥

篆諳書體新授龍韜識戰機
萬里往來征馬瘦
十年離別故人稀
生平志氣何人見
空上西樓望落暉

吳門風水各萍流
月滿花開懶獨游
萬里山川分曉夢
四鄰歌管送春愁
昔年顧我長青眼
今日逢

君盡白頭莫向樽前更惆悵古來投筆總封侯

元處士自洛歸宛陵山居見示詹事相公錢行之什因贈

紫霄峰下絕羣編舊隱相如結襪前

元君多隱廬山學易常爲

相國師服

月落尚留東閣醉風高還憶北牕眠江城夜

別瀟瀟雨山檻晴歸漠漠煙一頃豆花三頃竹想
應拋却釣魚船

廬山人自巴蜀由湘潭歸茅山因贈

太乙靈方鍊紫荷紫荷飛盡髮皤皤猿啼巫峽曉
雲薄鴈宿洞庭秋月多導引豈如桃葉舞步虛寧

北竹枝歌華陽舊隱莫歸去水沒芝田生綠莎

贈鄭處士

道傍年少莫矜誇心在重霄鬢未華楊子可曾過

北里

用左太冲詠史北里吹笙等諸句

魯人何必敬東家

三言不入俗門

言亦何必俗人知

寒雲曉散千峰雪暖雨晴開一徑花且

賣湖田釀春酒與君書劍是生涯

贈王山人

貰酒携琴訪我頻始知城市有閑人君臣藥在寧

憂病子母錢成豈患貧年長每勞推甲子夜寒初

共守庚申近來聞說燒丹處玉洞桃花萬樹春

人物

丁
支
皆
俗
惡
對
偶

戲代李協律松江有贈

蜀客操琴吳女歌明珠十斛是天河
霜凝薜荔怯秋樹露滴芙蓉愁晚波
蘭浦遠鄉應解佩柳堤殘月未鳴珂
西樓沉醉不知散潮落洞庭洲渚多

贈閨師

近日高僧更有誰宛陵山下遇閨師
東林共許三乘學南國爭傳五字詩
初到處樓紅葉降夜投蕭寺碧雲隨
秋江莫惜題佳句正好磷磷見底時

戊籤五詩渾之七

唐音統籤卷

五百八十九

七言律詩三

聞韶州李相公移郴州因寄

韶移丞相木蘭舟桂水潺湲嶺北流青漢夢歸雙
闕曙白雲吟過五湖秋恩廻玉展人先喜道在金
滕世不憂聞說公卿盡南望甘棠花暖鳳池頭

淮陰阻風寄楚州韋中丞

垂釣京江欲白頭江魚堪釣却西游劉伶臺下稻
花晚韓信廟前楓葉秋淮月未明先倚檻海雲初
起更維舟河橋有酒無人醉獨上高城望庾樓

中秋夕寄大梁劉尚書

汴人迎拜洛人留虎豹旌旗擁碧油
刁斗嚴更軍耳目戈鋌長控國咽喉
柳營出號風生纛蓮幕題詩月上樓
應念散郎千里外去年今夜醉蘭舟

李定言自殿院銜命歸闕拜外郎俄遷右史
因寄

白筆南征變二毛越山愁瘴海驚濤
纔歸龍尾含雞舌更立螭頭吮兔毫
聞闕欲開宮漏盡見旒初坐御香高
吳中一作金吾舊侶君先貴曾憶王祥與佩

刀

舟行早發廬陵郡郭寄滕郎中

楚客停橈太守知，露凝丹葉自秋悲。
蟹螯只恐相如渴，鱸膾應方曼倩饑。
風捲曙雲飄角遠，雨昏寒浪掛帆遲。
離心更羨高齋夕，巫峽花深醉玉卮。

夜歸孤山寺寄盧郎中

青山有志路猶賒，心在琴書自憶家。
醉別庾樓山色滿，晚歸蕭寺月光斜。
落帆露濕回塘柳，開院風驚滿地花。
他日此恩須報得，莫言空谷愛煙霞。

聞州中有讌寄崔大夫兼簡邢羣評事

簫管筵開列翠蛾，玉盃金液耀金波。
池邊雨過飄

帷幕海上風來動綺羅顏子巷深青草遍庾公樓
迥碧山多甘心不及同年友臥聽行雲一曲歌

祇命許昌自郊居移入公館秋日寄茅山高

拾遺

一笛迎風萬葉飛強携刀筆換荷衣潮寒水國秋
砧早月暗山城夜漏稀巖響遠聞樵客過浦深遙
送釣童歸中年未識從軍樂虛近三茅望少微

移攝太平寄前李明府

病移一作品邑稱閑身何處風光貰酒頻溪柳遶

江花連洞武陵人嬌歌自駐壺中景艷

舞長留海上春早晚高臺更同醉綠蘿如帳草如茵

春早郡樓書事寄呈府中羣公

兩鬢垂絲髮半霜石城孤夢繞襄陽鶯鴻幕裏連
披檻虎豹營中柳拂墻盡舸欲行春水急翠簾初
捲暮山長峴亭風起花千片流入南湖盡日香

病間寄郡中文士

盧橘含花處處香老人依舊臥清漳心同客舍驚
秋早跡似僧齋厭夜長風捲翠簾琴自響露凝朱
閣簾先涼明朝欲醉文中彥猶覺吟聲帶越鄉

陵陽春日寄汝洛舊遊

百年身世似飄蓬，澤國移家疊嶂中。萬里綠

一作萬頃

碧波魚戀釣，九重青漢鶴愁籠。西池水冷春巖雪，南陌花香晚樹風。縱有芳樽心不醉，故人多在洛城東。

京口閑居寄兩都親友

吳門煙月昔同遊，楓葉蘆花並客舟。聚散有期雲北去，浮沉無計水東流。一樽酒盡青山暮，千里書回碧樹秋。何處相思不相見，鳳城宮闕楚江樓。

郊園秋日寄洛中友人

二四與前作同

楚水西來天際流
感時傷別思悠悠
一尊酒盡青山暮
千里書迴碧樹秋
日落遠波驚宿鴈
風吹輕浪起眠鷗
嵩陽親友誰相念
潘岳閒居欲白頭

宿望亭館寄蘇州一二同志

譔作杜牧

候館人稀夜自更

一作長姑

蘇城遠樹蒼蒼江湖水

落高樓迥河漢秋歸廣簾涼月轉碧梧移鵲影
露低紅葉濕螢光西園詩侶應多思莫醉笙歌掩畫

堂

春日思舊遊寄南徐從事劉三復

內一聯與凌敲臺篇

同

風暖曲江花半開，忽思京口共銜杯。
湘潭雲盡暮山出，巴蜀雪消春水來。
懷玉尚悲迷楚塞，捧金猶羨樂燕臺。
薊門高處極歸思，隴鴈北飛雙燕迴。

寄陵陽元處士

舊隱青山紫桂陰，一書迢遞寄歸心。
謝公樓上晚花盛，楊子宅前春草深。
吳岫雨來溪鳥浴，楚江雲暗嶺猿吟。
野人寧憶滄洲畔，會待吹噓定至音。

寄當塗李遠

賦擬相如詩似陶，雲陽煙月又同袍。
車前驥病驚歸逸，架上鷹閑鳥雀高。
舊日樂貧能飲水，他時隨

俗願舖糟不須倚向青山住咏雪題詩用意勞

寄殷堯藩秀才

幾載聞名翰墨林爲從知己信浮沉青山有雪諳
松性碧落無雲稱鶴心帶月獨歸蕭寺遠翫花頻
醉庾樓深思君一見如瓊樹空把新詩盡日吟

晨起白雲樓寄龍興江準上人兼呈竇秀才

茲樓今是望鄉臺鄉信全稀曉鴈哀山翠萬重當
檻出水光千里抱城來東巖月在僧初定南浦花
殘客未回欲弔靈均能去一作賦否秋風還有木蘭

開秀才方自
竟陵回

游溪夜回寄道玄上人

南郭燭光異世間碧桃紅杏木潺潺猿來近嶺欄
猴散魚下深潭翡翠開猶阻晚風停桂楫欲乘春
月訪松關幾回策杖終難去洞口雲歸不見山

聞釋子栖玄欲奉道因寄

欲求真訣戀禪窟羽帔方袍盡有情仙骨本微靈
鶴遠法心潛動毒龍驚三山未有偷桃計四海初
傳問菊名今日勸師師莫惑長生難學證無生

郡齋夜坐寄舊鄉二姪

千官奉職袞龍垂旅臥淮揚鬢日衰三月已乖棠

樹政二年空負竹林期樓侵白浪風來遠城抱丹

巖日到遲長欲挂帆君莫笑越禽花晚夢南枝

寄房千里博士

雲溪友議云千里初上第遊

邀趙氏來為房妻房赴京選與趙別約
中致為趙題趙恨房主襄州逢渾趙
農公番馬之命乃以情意相託許諾焉此
到府即遣人訪之月趙已相從韋矣因寄
房詩云云房別之幾有
歐陽西門磨太原之慘

春風白馬紫絲韁正值蠶眠未採桑五夜有心隨

暮雨百年無節待秋霜重詩纏帶朱藤合更認羅

裙碧草長為報西游滅離恨阮郎纔去嫁劉郎

渾集

所載稍異首二句云修城離翠倚桑遙謝春風
白面郎結句云何處野花何處水下峯流出一渠

書等宛後

卷五十八下九

六

戈

香題云途經敷水不云寄房想為房諱之故改句
并改題耳又才調集載此詩題云客有新豐館題
悲別之詞因詰傳史認得其實偶
作四韻嘲之或亦譚所改題也

讌饌李員外

并序

李羣之員外從事荆南尚書楊公詔徵赴關俄
為淮南相國杜公辭命自漢上舟行至此郡于
雲樓宴罷解纜
且賦却回四贈

病守江城暇暫開昔年吳越共銜盃
層舟出鎮虞陳榻鄭履還京下隄臺
雲葉漸低朱閣掩浪花初起盡
倚同心期解印同君醉九曲池西望月來

留別趙端公

并序

余行次鍾陵舟中諸公宴饌趙端公
曉赴郡齋一約余來且整棹因留別

海門征棹赴龍瀧暫寄華筵倒玉缸簫鼓散時逢
夜雨綺羅分處下秋江孤帆已過滕王閣高榻留
眠謝守窓却願烟波阻風雪待君同拜碧油幢

東遊留別李叢秀才

煩君沽酒強登樓罷唱離歌說遠遊文字豈勞諸
子重風塵多重故人憂數程山路長侵驛千里家
書動隔秋起凭欄干各垂淚又驅羸馬向東州

瓜洲留別李詡

泣玉三年一見君白衣顚顚更離羣楊

一作柳

堤惜

別春潮晚花樹留歡夜漏分孤館宿時風帶雨遠

帆歸處水連雲悲歌曲盡莫重奏心遶關河不忍聞

別劉秀才

三獻無功玉有瑕更携書劍客天涯孤帆夜別瀟
湘雨廣陌春期鄂杜花燈照水螢千點滅棹驚灘
鴈一行斜關河萬里一作迢迢秋風急望見鄉山不到家

別張秀才 并序

余與張秀才同出關至陝府余取南道止洛下
張山北路抵江東因幕中宴餞送賦詩以別
不知何計寫離憂萬里山川半舊遊風捲暮沙和

雪起日融春水帶冰流
凌晨客淚分東郭
竟夕鄉心共北樓
青桂一枝少年事
莫因鱸膾涉窮秋

竹林寺與德玄別

騷人吟罷起鄉愁
暗覺年華似水流
花滿楚城傷共別
蟬鳴蕭寺喜同遊
前山月落杉松曉
深夜風清枕簟秋
明日分襟又何處
江南江北路悠悠

別表兄軍倅

并序

余祇命南海至廬陵逢表兄軍倅奉使淮海別後却寄是詩

盧橘花香拂釣磯
佳人猶舞越羅衣
三洲木淺魚來少
五嶺山高鴈到稀
客路晚依紅樹宿
鄉關朝

晴一作

望白雲歸交親不念征南吏

客一作

一夜風帆

去似飛

與韓鄭二秀才同舟東下洛中親友送至景

雲寺

三十六峰橫

一作

一川綠波無路草芊芊牛羊晚

食鋪平地鵬鶚晴飛摩遠天洛客盡回臨水寺楚人皆逐下江船東西未有相逢日更把繁花共醉眠

訪別韋隱居不值

并序

余行至雙巖溪訪韋隱居已移舟詣開元寺水閣見送韓回已晚因題是詩留別

大次雙巖碧樹間主人朝出半開關湯師閣上留
詩別杜叟橋邊載酒還櫟塢炭烟晴過嶺蓼村漁
火夜移灣故鄉蕪沒兵戈後憑向溪南買一山

卷終

戊籤五許渾之八

唐音統籤卷

五百九十

七言律詩四

送陸拾遺東歸

獨振儒風遇盛時
紫泥初降世人知
封章報主非無意
書劍還家素有期
秋寺臥雲移棹晚
暮江乘月落帆遲
東歸自是緣清興
莫比商山詠紫芝

吳門送振武李從事

晚促離筵醉玉缸
伊州一曲淚雙雙
欲携刀筆從新幕
更宿烟霞別舊窓
胡馬近秋侵紫塞
吳帆乘月下清江
嫺姚若許傳書檄
坐築三城看受降

送嶺南盧判官罷職歸華陰山居

曾事劉琨鴈塞空十年書劍似一作飄蓬東堂舊

屈移山志南國新留煮海功還掛一帆青草上豈謂

青草湖耶有作青海畔後人所改更開三徑碧蓮中謂蓮峯關西舊

友應一作相問已許滄浪伴釣翁

送人之任邛州

綠髮監州冊府歸還家樂事我先知耕童竹馬交

迎日二老蘭觴初見時黃卷新書芸委積青山舊

路菊離披亭衢自有橫飛勢便到西垣視訓辭

送上元王明府赴任

莫言名重懶驅雞
六代江山碧海西
日照蒹葭明
楚塞烟分楊柳見
隋堤荒城樹暗沉
書浦舊宅花
連罨畫溪官滿定知歸未得
九重霄漢有丹梯

將歸姑蘇南樓餞送李明府

無處登臨不繫情
一憑春酒醉高城
暫移羅綺見
山色纔駐管絃聞
水聲花落西亭添
別夢柳陰南
浦促歸程
前期迢遞今宵短
更倚朱闌待月明

送前東陽于明府由鄂渚歸故林

結束征車換黑貂
瀟西風雨正瀟瀟
茂陵久病書
千卷彭澤初歸酒一瓢
帆背夕陽溢水濶
棹經滄

海甌山遙殷勤爲謝南溪客

一作

白首螢窓未見

招

送張厚淵東修謁

涼露清蟬柳陌空故人遙指湘江東
青山有雪松當澗碧落無雲鶴出籠
齊唱離歌愁晚月獨看征棹怨秋風
定知洛下聲名士共說膺門得孔融

送段覺之西川婚禮後歸覲

詞賦名高身不閑綠衣如錦度函關
鏡中月冷羅威去劍外花飛衛玠還
秋浪遠侵黃鶴嶺暮雲遙斷碧雞山
此時人問西遊客心在重霄鸞欲斑

送盧先輩自衡岳赴復州嘉禮二首

名振金閨步玉京暫留滄海見高情衆花盛

一作盡

處松千尺群鳥喧時鶴一聲朱閣簾涼初雨過碧
溪船動早潮生離心不異西江水直送征帆萬里
行

湘南詩客海中行鵬翅垂雲不自矜秋水靜磨金
鏡土夜風寒結玉壺冰萬重嶺嶠辭衡岳千里山
陂問竟陵醉倚西樓人已遠柳溪無浪月澄澄

凌歊臺送韋秀才

雲起高臺日未沉數村殘照半巖陰野蠶成繭桑

柘盡溪鳥引雛蒲稗深帆勢依依投極浦鐘聲杳
杳隔前林故山還遶故人去一夜月明千里心

與鄭秀才叔姪會送楊秀才昆仲東歸

書劍功遲白髮新異鄉仍送故鄉人阮公留客竹
林晚田氏到家荆樹春雪盡塞鴻南翥少風來胡
馬北嘶頻洞庭烟月如終老誰是長楊諫獵人

字有誤前人
與疑作親字

送郭秀才遊天台

并序

余嘗與郭秀才同就朱審書天台山園秀才因遊是山題詩贈別

雲埋陰壑雪凝峰半壁天台已萬重人度碧溪疑

輟棹僧歸蒼嶺似聞鐘暖眠鴻鴈晴灘草高掛獼
猴暮澗松曾約共遊今獨去赤城西面水溶溶

送薛秀才南遊

姑蘇城外柳初凋同上江樓更寂寥遶壁舊塵風
漠漠對窓寒竹雨蕭蕭憐君別路隨秋鴈盡我離
觴任晚潮從此草玄應有處白雲青草一相招

送鄭秀才東歸憑達家書

欲寄家書少客過閉門心遠洞庭波兩巖花落夜
風急一徑華荒秋雨多愁泛楚江吟浩渺憶歸吳
岫夢嗟峨貧居不問應知處溪上閑船繫綠蘿

送王總下第歸丹陽

秦樓

一作橋

心斷楚江湄繫馬春風酒一卮汴水月

明凍下疾練塘花發北來遲青蕪定沒安貧處黃

葉應催獻賦時爲

一作悲

寄家書報消息

一作問回報

舊

居

一作鄉

還有故人知

送黃隱居歸南海

瘴霧南邊久寄家海中來往信流槎林藏萬萬多

殘筍樹過猩猩少落花深洞有雲龍蛻骨半巖無

草象生牙知君愛宿層峯頂坐到三更見月華

兩聯

聯類殊多

送處士武君歸章洪山居

形影無羣消息沉登聞三擊血沾襟
皇綱一口開冤氣青史千年重壯心
却望烏臺春樹老獨歸蝸舍暮雲深
他時縱有徵書至雪滿重山不可尋

送客自西河歸江南

西河陳事已堪傷南客秋歸路更長
臺畔偃松悲魏帝苑邊修竹弔梁王
山行露變茱萸色水宿風披菡萏香
遙羨落帆逢舊友綠蛾青鬢醉橫塘

送杜秀才往桂林

桂州南去與誰同處處山連水自通
兩岸曉烟千

里草半帆斜日一江風瘴雨欲來楓樹黑火雲初
起荔枝紅愁君路遠銷年月莫滯三湘五嶺中

送蕭處士歸緱嶺別業

醉斜烏帽髮如絲曾看仙人一局棋賓館有魚爲
客久鄉書無鴈到家遲緱山住近吹笙廟湘水行
逢鼓瑟祠今夜月明何處宿九疑雲盡碧一作綠參
差

送張尊師歸洞庭

能琴道士洞庭西風滿歸帆路不迷對岸水花霜
後淺傍簷山果雨來低杉松近晚桡茶嶼宋本作花嶼文

苑作丹巖谷初寒蓋藥畦他日相思兩行字無人
寵皆非知處武陵溪

送元晝上人歸蘇州兼寄張厚二首

自卜閑居荆水幽

一作頭

感時相別思悠悠一樽酒

盡青山暮千里書回碧樹秋深巷久貧知寂寞小

詩多病尚風流晝公此去應相問爲說沾巾

一作衣

憶舊游

三四寄兩都親友洛中友人及此凡三見

三年無事客吳鄉南陌春園碧草長共醉八門回
盡舸獨還三徑掩書堂前山雨過池塘滿小院秋
歸枕簟涼經歲別離心自苦何堪黃葉落清漳

乘月棹舟送大曆寺靈聰上人不及

萬峰秋盡百泉清舊鎖禪扉在赤城楓浦客來烟
未散竹窓僧去月猶明杯浮野渡魚龍遠錫響空
山虎豹驚一字不留何足訝白雲無路水無情

咸陽城東樓

南近礪溪西對慈福寺閣

一上高城萬里愁蒹葭楊柳似汀洲溪雲初起日

沉閣山雨欲來風滿樓烏下綠蕪秦苑夕蟬鳴黃

葉漢宮秋行人莫問當年事故國東來渭水流

一作

行人莫問前朝事渭水寒聲晝夜流方回云中西旬裝景而已

登故洛陽城

高棟云許渾劉滄長于懷古渾之凌歊臺洛陽城驪山金陵諸

篇與滄之長洲咸陽鄭都等作其今古廢興山河陳跡涼涼感慨之意讀之可爲一倡而三嘆矣愚謂此未可謂定評也古人陳跡亡國故墟迎看已生感歎讀詩自助悲涼非關劉許擅場自是危渺易落

禾黍離離牛羊野蒿昔人城此豈知勞水聲東去市

朝變山勢北來宮殿高鴉噪暮雲歸古堞鴈迷寒

雨下空壕可憐縷嶺登仙子獨一作白吹笙醉碧

桃三四張爲取作主客圖

姑蘇懷古

宮館餘基輟棹過黍苗無限獨悲歌荒臺麋鹿爭

新草空苑鳬鷺占淺莎吳岫雨來虛檻冷楚江風

急遠帆多可憐國破忠臣死日日東流生白波

方回

云學詩者若止如此賦詩甚易而不難得
景仰撰一句對而無活法不可為訓

金陵懷古

玉樹歌殘王氣終景陽兵合成樓空松楸遠近千
官塚禾黍高低六代宮石燕拂雲晴亦雨江豚吹
浪夜還風英雄一去豪華盡惟有青山似洛中

方回

云禾黍高低六代宮說得松楸遠近千
官塚亡國之餘非有此無勇伐之景

登尉佗樓

銅項持兵鹿未窮白乘黃屋島夷中南來作尉佗
力北向稱臣陸賈功簫鼓尚陳今世廟旌旗猶

鎖昔時宮越人未必知虞舜一奏薰絃萬古風

凌歊臺

宋祖凌歊樂未回三千歌舞宿層臺湘潭雲盡暮
山出巴蜀雪消春水來行殿有基荒薺合寢園無
主野棠開百年便作萬年計岳畔古碑空綠苔

藏

臺在今當塗黃山直臨大江上西望江流天門中
豁真有從巴蜀高擁而來之勢稍東直瞰牛渚磯
潭水深黑不測潭上諸山環峙薄暮嵐清山見則
暮山雲盡而出尤對岸真景係本作湘潭字蓋江
潭之誤也宋祖亦非高祖宋二武皆稱祖地志
稱祖孝武登此臺置離宮本紀亦載其幸南豫
州者再校獵姑熟者一是嘗哩高祖祿爲田舍翁
者三十歌舞固宜有之百年便作萬年計又似約
孝孝武後人借南苑三百年癡想繫入之以盡
宋事要使寬展耳諸家駁此多未當特著之

唐音統籤

卷五百九十

八

戊

汴河亭

廣陵花盛帝東游
先劈崑崙一派流
百二禁兵辭象闕
三千宮女下龍舟
凝雲鼓震星辰動
拂浪旗開日月浮
四海義師歸有道
迷樓還似景陽樓

驪山

聞說先皇醉碧桃
日華浮動鬱金袍
風隨玉輦笙歌迥
雲捲珠簾劍佩高
鳳駕北歸山寂寂
龍旗西幸水滔滔
蛾眉一作貴妃沒後巡遊少
瓦落宮牆見野蒿

四皓廟

桂香松暖廟門開獨瀉椒漿奠一盃
秦法未興湯已去漢儲將廢鳳還來
紫芝翳翳多青草白石蒼蒼半綠苔
山下驛塵南竄路不知冠蓋幾人回

題衛將軍廟

并序

將軍名遼陽美人少習詩書學弓劍有武畧二
十七游并汾間遇神堯皇帝始建義旗遂以勇
藝進衛行剋洎擒竇建德遼時挾鎗劍前突後
翼太宗顧而奇之天下既定錄其功拜將軍宿
衛以母老病且乞歸侍殘年辭旨來激詔許之
旣而以孝徵睦閨門以然信居鄉里及卒邑人
懷其賢廟宇荆溪之湄以平生弓甲懸東西廡
下歲時祠祭頗福其土焉文士王敖撰碑辭實
詳備惜乎國史闕書其人因題是詩于廟壁

武牢關下護龍旗挾烈彎弓馬上飛漢業未興王

霸在秦軍纒散魯連歸墳穿大澤埋金劍廟枕長
溪挂鐵衣欲奠忠魂何處問葦花楓葉雨霏霏

題舒女廟

山樂來迎去不言廟前高柳水禽喧綺羅無色雨
侵帳珠翠有聲風繞幡粧鏡尚疑山月滿寢屏猶
認野花繁孤舟夢斷行雲散何限離心寄曉猿

題義女亭

身沒蘭閨道日明郭南尋得舊池亭詩人愁立暮
山碧賈客怨離秋草青四望月沉疑掩鏡兩簷花
動認收屏至今鄉里風猶在借問誰傳義女銘

游江令舊宅

身沒南朝宅已荒
邑人猶賞舊風光
芹根生葉石

池淺桐樹落花

一作春

金井香帶煖
山蜂巢盡閣欲

陰溪燕集書堂閑
愁此地更西望

一作回首

潮浸臺城

春草長

破北虜太和公主歸宮闕

毳幕乘秋極
斷蓬飄颻一劍黑
山空匈奴北走荒

秦壘貴主西還盛
漢宮定是廟謨傾
種落必知邊

寇畏驍雄恩沾殘
類從歸去莫使華人雜
犬戎

聞邊將劉臯無辜受戮

外溢多假帝王尊威脅偏裨勢不存纔許誓心安
玉壘已傷傳首動金門三千客裏寧無義五百人
中必有恩却賴漢庭多烈士至今猶自伏蒲輪

漢水傷稼

并片

此郡雖自夏無雨江邊多穞油然可觀秋八月
天清日朗漢水泛溢人實爲災軫念疲羸因賦
四韻

西北樓開四望通殘霞成綺月懸弓江村夜漲浮
天水澤國秋生動地風高下綠苗千頃盡新陳紅
粟萬廂一作空才微分薄憂何益却欲回心學釣

翁

三四與前韻
郭少府詩同

同韋少尹傷故衛尉李少卿

客醉更長樂未窮似知身世一宵空
香街寶馬嘶殘月暖閣佳人哭曉風
未卷繡筵朱閣上已開塵席盡屏中
何須更賦山陽笛寒月沉西水向東

傷湖州李郎中

政成身沒共興哀鄉路兵戈旅櫬迴
城上暮雲凝鼓角海邊春草閉池臺
經年未葬家人散昨夜因齋故吏來
南北相逢皆掩泣白蘋洲上一花開

張爲取作

主客圖

哭虞將軍

一作虞押衙

白首從軍未有名近將孤劍到江城巴童戍久能
番語胡馬調多解漢行對雪夜窮黃石畧望雲秋
算一作計黑山程可憐身死家猶遠汴水東流無哭
聲

哭楊攀處士

先生憂道樂清貧白髮終爲不仕身嵇阮沒來無
酒客應劉亡後少詩人山前月照孤墳曉溪上花
開舊宅春昨夜回舟更惆悵至今鐘磬滿南鄰

傷李秀才

曾醉笙歌日正遲醉中相送易前期橘花滿地人

亡後菰葉連天客過時
琴筒舊窓塵漠漠劍埋新
塚草離離河橋酒熟平生事更向東流奠一卮

泊蒜山津聞東林寺光儀上人物故

雲齋曾宿借方袍因說浮生大夢勞
言下是非齊虎尾宿來榮辱比鴻毛
孤舟千棹水猶濶寒殿一燈夜更高
明日東林有誰在不堪秋磬拂烟濤

經李給事舊居

歸作儒翁出致君故山誰復有遺文
漢庭使氣摧張禹楚國懷憂送范雲
楓葉暗時迷舊宅茅花落處認荒墳
朱絃一奏沈湘怨風起寒波日欲曛

經故丁補闕郊居

死酬知己道終全
波熾狐冰且自堅
鵬上承塵纔幾日
鶴歸華表已千年
風吹藥蔓迷樵逕
雨暗蘆花失釣船
四尺孤墳何處是
闔閭城外草連天

重遊練湖懷舊

并序

余嘗與故宋補闕次都秋夕游練湖亭今復登賞愴然有感因賦是詩

西風渺渺月連天
同醉蘭舟未十年
鵬鳥賦成人已沒
嘉魚詩在世空傳
榮枯盡寄浮雲外
哀樂猶驚逝水前
日暮長堤更回首
一聲鄰笛舊山川

劉雪

雲度龍山暗綺城先飛浙瀝引輕盈素娥冉冉拜
瑤闕皓鶴紛紛朝玉京陰嶺有風梅艷散寒林無
月桂華生剡溪一醉十年事忽憶棹回天未明

殘雪

憶昨新春霰雪飛堦前簷上鬪寒姿狂風送在竹
深處隔日未消花發時輕壓嫩蔬旁出土冷衝幽
鳥別尋枝晚來又喜登樓見一曲高歌和者誰

聽歌鵬鵠辭

并序

余過陝州夜譙將罷妓人善歌鵬鵠
者詞調清怨往往在耳因題是詩

南國多情多艷詞鵬鵠清怨遶梁飛甘棠城上客

先醉苦竹嶺頭人未歸響轉碧霄雲駐影曲終清
漏月沉暉山行水宿不知遠猶夢玉釵金縷衣

鄭侍御廳翫鶴

碧天飛舞下晴莎金閣瑤池絕網羅
品響數聲風滿樹岸移孤影雪凌波
緱山去遠雲霄迥遼海歸遲歲月多
雙翅一開千萬里祗應樓隱戀喬柯

和常秀才寄簡歸州鄭使君借猿

謝守携猿東路長
裏藤穿竹似瀟湘
碧山初暝嘯秋月紅樹生寒啼曉霜
陌上楚人皆駐馬
里中巴客半歸鄉
心知欲借南遊侶未到三聲恐斷腸

卷終

戊籤五許渾之九

唐音統籤卷

五百九十一

五言絕句

塞下

夜戰桑乾北秦兵半不回朝來有鄉信猶自寄征衣

長安早春懷江南

雲月有歸處故山清洛南秦城一花發春夢遍江潭

雨後懷湖上居

前山風雨涼歇馬坐垂楊何處芙蓉落南渠秋水

香

思天台

赤城雲雪深山客負歸心昨夜西齋宿月明琪樹陰

送客南歸

野寺薜蘿晚官渠楊柳春歸心已無限更送洞庭人

聞歌

新秋絃管清時轉過雲聲曲盡不知處月高風滿城

七言絕句

秦樓曲

秦女夢餘仙路遙月窓風簾夜迢迢伴郎羣鳳雙

飛去三十大宮闈玉簫

後二句張爲
取作主客圖

楚宮怨二首

十二山晴花盡開楚宮雙闕對陽臺細腰爭舞君

王醉白日秦兵江上來

獵騎秋來在內稀渚宮雲雨濕龍衣騰騰戰鼓動

城闕江上

一作

射麋殊未歸

陳宮怨二首

風暖江城白日遲昔人遺事後人悲草生宮闕國

無主玉樹後庭花爲誰

後二句襲爲
取作主客圖

地雄山險水悠悠不信隋兵到石頭玉樹後庭花
一曲與君同上景陽樓

秋思

一作
秋日

琪樹西風枕簟秋楚雲湘水憶同遊高歌一曲掩
明鏡昨日少年今白頭

學仙三首

漢武迎仙紫禁秋玉笙瑤瑟祀崑丘年年望斷無
消息空開重城十二樓

心期仙訣意無窮
彩畫雲車起壽宮
聞有三山未
知處茂陵松柏滿西風
商嶺采芝尋四老
紫陽收術訪三茅
欲求不死長
生訣骨裏無仙不肯教

湖上

髣髴欲當三五夕
萬蟾清雜亂泉紋
釣魚船上一
樽酒月出渡頭零落雲

晨起西樓

留情深處駐橫波
歛翠凝紅一曲歌
明月下樓人
未散共愁三徑是天河

宿水閣

野客從來不解愁等閒乘月海西頭未知南陌誰
家子夜半吹笙入水樓

宿咸宜觀

羽袖飄飄香夜風翠幢歸殿玉壇空步虛聲盡天
未曉雲壓桃花月滿空

遊楞伽寺

碧煙秋寺泛湖來水浸城根古堞摧盡日傷心人
不見石楠花發

一作石楠花滿舊歌臺

夜泊永樂有懷

蓮渚愁紅蕩碧波吳娃齊唱採蓮歌橫塘一別千
餘里蘆葦蕭蕭風雨多

守風淮陰

遙見江陰夜漁客因思京口釣魚時一潭明月萬
株柳自去自來人不留

三十六灣

在湖陰縣

縹緲臨風思美人荻花楓葉帶離聲夜深吹笛移
船去三十六灣秋月明

病中和大夫詠江月

江上懸光海上生仙舟迢遞繞軍營高歌一曲同

筵醉却是劉楨坐到明

酬康州韋侍御同年

桂檝美人歌水蘭西風嫋嫋露漙漙夜長曲盡意
不盡月在瀟湘洲渚寒

酬李當

知有瑤華手自開巴人處唱懶封回山陰一夜滿
溪雪借問扁舟來不來

酬對雪見寄

飛度龍山下遠空拂簷紫竹晝濛濛知君吟罷意
無限曾聽玉堂歌北風

洲江西盧端公藍口阻風見寄之什

又携刀筆從膺舟藍口風高桂檝留還似郢中歌
一曲夜來春雪照西樓

贈何處士

東別茅峯北去秦梅仙書裏說真人白頭主印青
山下雖遇唐生不敢親

客有卜居不遂薄遊汧隴因題

海燕西飛白日斜天門遙望五侯家樓臺深鎖無

人到落盡東風第一花

謝云人生宇宙爲家所到等是逆旅何必以無家爲

發彼五侯有樓臺而無人到殆與塞上無家者等此篇月解其卜居不遂之鬱鬱也

胡元瑞云此

詩若但詠園亭之類未見其工今題云云夫以逆旅無家之客望五侯第宅深鎖落花之內一段寂寥情況更不忍言羅隱下第詩簾捲殘陽鳴鳥鵲花飛何處好樓臺意正此同而許作全不道破尤爲超妙第失之太巧故不免晚唐謝語一出許詩風味索然矣

下第懷友人

獨掩衡門花盛時一封書信緩歸期
南宗更有瀟湘客夜夜月明聞竹枝

寄宋次都

朱檻烟霜夜坐勞美人南國舊同袍
山長水遠無消息瑤瑟一彈秋月高

夜過松江寄友

清露白雲明月天與君齊棹水蘭船南湖風雨一
相失夜泊橫塘心渺然

夏日寄江上親友

雨過山前日未斜清蟬嘒嘒落槐花車輪南北已
無限江上故人纔到家

寄桐江隱者

潮去潮來洲渚春山花如繡草如茵嚴陵臺下桐
江水解釣鱸魚能幾人

寄敬上人

萬山秋雨水縈回紅葉多從紫閣來雲冷竹齋禪

月華新重
衲薄已應飛錫過天台

送崔珣入朝

書劍功遲白髮新
強登蕭寺送歸秦
月斜松桂倚

高閣
明夜江南江北人

起句七言
律內重用

送薛先輩入關

一卮春酒送離歌
花落敬亭芳艸多
欲問歸期已
深醉只應孤夢繞關河

送曾主簿歸楚州省覲子亦明日歸姑熟

帆轉清淮及鳥飛
落帆應換老萊衣
河亭未醉先
惆悵明日還從此路歸

重別曾主簿

詩諸妓同錢

淚沿紅粉濕羅巾
重繫蘭舟勸酒頻
留却一枝河畔柳
明朝猶有遠行人

送楊發東歸

紅花半落燕子飛
同客長安今獨歸
一紙鄉書報兄弟
還家羞着別時衣

送隱者

見三體唐詩一作杜牧

無媒逕路草蕭蕭
自古雲林遠市朝
公道世間惟白髮
貴人頭上不曾饒

送宋處士歸山

賣藥修琴歸去遲山風吹老

一作盡

桂花枝

一作時

世

聞甲子須臾事逢着仙人莫看棋

謝亭送別

勞歌一曲解行舟紅葉青山水急流日暮酒醒人已遠滿天風雨下西樓

過湘妃廟

古木蒼山掩翠娥月明南浦起微波九疑望斷幾千載斑竹淚痕今更多

續山廟

王子求仙月滿臺玉笙清轉鶴徘徊曲終飛去不

知處山下碧桃春自開

途經秦始皇墓

龍盤虎踞樹層層勢入浮雲亦是崩
一種青山秋草裏路人唯拜漢文陵

旌儒廟

寒谷陰風萬古悲儒冠相枕死秦時
廟前亦有商山路不學老翁歌紫芝

鴻溝

相持未定各爲君秦政山河此地分
力盡烏江千載後古溝荒草起寒雲

韓信廟

朝言雲夢暮南巡已爲功名少退身盡握兵權猶
不得更將心計託何人

重經四皓廟二首

戔戔商嶺採芝人雪頂霜髯虎豹茵山酒一壺歌
一曲漢家天子忌功臣

避秦安漢出藍關松桂花陰滿舊山自是無人有
歸意白雲長在水潺潺

讀戾太子傳

佞臣巫蠱已和疑身沒湖邊築望思今日更歸何

處是年年芳草上臺基

金谷園

三惑沉身是此園
古藤荒草野禽喧
二十四友一朝盡
愛妾墜樓何足言

經故太尉段公廟

徒想追兵緩翠華
古碑荒廟閉松花
紀生不向榮陽去
豈比山河屬漢家

覽故人題僧院詩

高閣清吟寄遠公
四時雲月一篇中
今來借問獨何處
日暮槿花零落風

僧院影堂

香銷雲散舊僧家
僧刹殘鐙壁半斜
日暮松烟空漠漠
秋風吹破紙蓮花

王可封臨終

十世爲儒少子孫
一生長負信陵恩
今朝埋骨寒山下
爲報慈親休倚門

聽琵琶

欲寫明妃萬里情
紫槽紅撥夜丁丁
胡沙望盡漢宮遠
月落天山聞一聲

聽吹鷓鴣

金谷歌傳第一流
鷓鴣清怨碧雲愁
夜來省得曾聞處
萬里月明湘水流

紫藤

綠蔓穠陰紫袖低
客來留坐小堂西
醉中掩瑟無人會
家近江南柰畫溪

鷺鷥

西風淡淡水悠悠
雪照絲飄帶雨愁
何事歸心倚前閣
綠蒲紅蓼練塘秋

蟬

噪柳鳴槐晚未休
不知何事愛悲秋
朱門未有長

吟處剛被愁人又送愁